

Ֆինանսական միջնորդների շրջանակ (FIF) - ՄՓՄՁ վարկ - Հայեկոնոմբանկ

Երկիր - Հայաստան

Ծրագրի համար - 54491

Բիզնես ոլորտ - Դեպոզիտային վարկ (բանկեր)

Ծանուցման տեսակ - Մասնավոր

Բնապահպանական կատեգորիա - ՖՀ

Հաստատման նախատեսված ամսաթիվ – ապրիլի 2, 2024 թ.

Կարգավիճակ - հաստատված

Ծրագրի ամփոփ փաստաթղթի անգլերեն տարբերակի

հրապարակման ամսաթիվ – ապրիլի 8, 2024 թ.

Ծրագրի Նկարագրություն

Հայեկոնոմբանկին մինչև 10 մլն ԱՄՆ դոլարի չափով առաջնային առանց գրավի վարկ տեղական արժույթով՝ Ֆինանսական միջնորդների շրջանակում (FIF) Հայաստանում միկրո, փոքր և միջին մասնավոր ձեռնարկություններին (ՄՓՄՁ) վարկավորելու նպատակով:

Ծրագրի նպատակները

Ծրագիրը կբարելավի ֆինանսավորման հասանելիությունը ՓՄՁ-ների համար, որոնք զբաղվածության ապահովման հիմնական աղբյուրն են մասնավոր հատվածում և մեծ ներդրում ունեն Հայաստանի տնտեսության մեջ: Վարկը հնարավորություն կընձեռի Հայեկոնոմբանկին՝ մեծացնելու վարկավորման հասանելիությունը և հասցեագրելու ՄՓՄՁ-ների ավելի երկարաժամկետ ֆինանսավորման նկատմամբ չբավարարված պահանջարկը: Ուշադրության կենտրոնում է լինելու նաև մայրաքաղաքից դուրս գտնվող մարզերի վարկավորումն ու նոր ՄՓՄՁ հաճախորդների ներգրավումը: Ավելին, բանկը նպատակ կունենա վարկից ստացված միջոցները տրամադրել կանանց կողմից ղեկավարվող ՄՓՄՁ-ներին, որոնք նպաստում են կին ձեռներեցների տնտեսական ընդգրկմանը:

Ազդեցությունն անցումային շրջանի վրա

Վաղ անցումային շրջանի վրա ազդեցության ցուցանիշը. 60

Մրցակցային - Ծրագիրը կընդլայնի իր ՓՄՁ պորտֆելը՝ կենտրոնանալով մարզային հաճախորդներին հասցեագրելուն և նոր հաճախորդների ներգրավմանը: Այն համապատասխանում է Ֆինանսական միջնորդների շրջանակի (FIF)-ի պայմաններին միջին ճեղքվածքով երկրներում:

Ճկուն- Ծրագրի նպատակն է ապահովել վարկավորման խելամիտ գործելակերպ և պորտֆելի համապատասխան որակ:

Հաճախորդի վերաբերյալ տեղեկատվություն

ՀԱՅԷԿՈՆՈՄԲԱՆԿ ԲԲԸ

Հայէկոնոմբանկ ԲԲԸ-ն ՎԶԵԲ-ի վաղեմ գործընկեր բանկ է: Հայէկոնոմբանկը ոլորտում զբաղեցրել է 7-րդ տեղը ընդհանուր ակտիվներով և 6-րդը՝ վարկային պորտֆելով՝ համապատասխանաբար 5.1% և 5.7% շուկայական մասնաբաժիններով 2023թ.-ի դրությամբ: Բանկն ունի 54 մասնաճյուղերից բաղկացած ընդարձակ ցանց Հայաստանի բոլոր մարզերում և ավելի քան 900 աշխատակից:

ՎԶԵԲ-ի կողմից տրամադրվող ֆինանսավորում

10,000,000.00 ԱՄՆ դոլար

Ծրագրի ընդհանուր արժեքը

10,000,000.00 ԱՄՆ դոլար

Բնապահպանական եվ սոցիալական ազդեցության ամփոփ նկարագիր

Դասակարգում՝ ՖՀ (FI) կատեգորիա

(Բնապահպանական և սոցիալական քաղաքականություն – ԲՄՔ 2019):

Հայէկոնոմբանկը ընթացիկ ծրագրերի կտրվածքով ընդունելի ցուցանիշ է գրանցել կատարողականության ու տարեկան բնապահպանական և սոցիալական (ԲնՍ) հաշվետվությունների արդյունքներով: Անհրաժեշտ է, որ Հայէկոնոմբանկը հետագայում ևս ապահովի Կատարողականության 2-րդ, 4-րդ և 9-րդ պահանջները և ՎԶԵԲ-ի բնապահպանական և սոցիալական ընթացակարգերի հետագա համապատասխանությունը կորպորատիվ վարկերի, ՓՄՁ և միկրո վարկերի պարագայում, առևտրի խթանման ծրագրի (TFP) բնապահպանական և սոցիալական ընթացակարգերը և ներկայացնի բնապահպանական և սոցիալական տարեկան հաշվետվություններ ՎԶԵԲ-ին:

Տեխնիկական համագործակցություն

Տեխնիկական համագործակցություն – չի նախատեսվում

Ոչ տեխնիկական համագործակցություն - Ծրագիրը կօգտվի 12.5% Առաջնային ֆասսների ռիսկի ապահովագրության հնարավորությունից, նախատեսված ՓՄՁ-ների համար՝ տեղական արժույթով:

Հավելյալություն տեղական արժույթով

Ֆինանսավորման կառուցվածքը - ՎՋԵԲ-ն առաջարկում է վարկային ժամանակացույց, որն ավելի երկար է, քան շուկայում ողջամիտ պայմաններով գործող առաջարկները հաճախորդների համար:

Ստանդարտի սահմանում. աջակցել ծրագրերին և հաճախորդներին հասնելու ավելի բարձր չափանիշների, ըստ որի հաճախորդը փնտրում է/օգտվում է ՎՋԵԲ-ի փորձառությունից ավելի բարձր ֆինանսական չափանիշներ կիրառելու համար, ներառյալ ֆինանսական համաձայնությունների միջոցով:

Գենդեր Սմարթ - Հաճախորդը փնտրում /օգտվում է ՎՋԵԲ-ի մասնագիտական փորձը գենդերային չափանիշների ընդունման և/կամ հավասար հնարավորությունների գործողությունների կիրառման համար:

Ընկերության կոնտակտային տվյալները

Աստղիկ Մանրիկյան

manrikyan@aeb.am

հեռ. +374-8000-8686

www.aeb.am

Երևան, 0002, Ամիրյան փող. 23/1

Անցումային շրջանի ընկալումը

Այստեղ կարող եք լրացուցիչ տեղեկություններ գտնել առ այն, թե ինչ մոտեցումներ է կիրառում ՎՋԵԲ-ը անցումային շրջանում առաջընթացի վրա ազդեցությունը չափելու համար:

Բիզնես հնարավորություններ

Բիզնես հնարավորությունների կամ գնումների համար դիմե՛ք հաճախորդի ընկերությանը:

ՎՋԵԲ-ի հետ կապված (գնումներին չառնչվող) բիզնես հնարավորությունների համար դիմե՛ք:

Հեռ.՝ +44 20 7338 7168

Էլ-փոստ՝ projectenquiries@ebrd.com

Պետական ոլորտում ծրագրերի համար այցելե՛ք [ՎՋԵԲ-ի գնումներ](#):

Հեռ.՝ +44 20 7338 6794

Էլ-փոստ՝ procurement@ebrd.com

Ընդհանուր հարցումներ

Կարող եք անել կոնկրետ հարցումներ՝ օգտագործելով [ՎՋԵԲ-ի հարցումների ձևաթուղթը](#):

Բնապահպանական և սոցիալական քաղաքականություն (ԲՍՔ)

[ԲՍՔ-ն](#) և դրա հետ կապված՝ Գործունեության նկատմամբ պահանջները (ԳՊ-ներ) սահմանում է այն ուղիները, որոնց միջոցով ՎՋԵԲ-ն իրականացնում է իր հանձնառությունը՝ խթանել «Էկոլոգիապես առողջ և կայուն զարգացումը»: ԲՍՔ-ն և ԳՊ-ները պարունակում են հատուկ դրույթներ, ըստ որոնց հաճախորդները պետք է համապատասխանեն տեղեկությունների հրապարակայնացման և խորհրդատվության մասին ազգային օրենքների կիրառվող պահանջներին, ինչպես նաև ստեղծեն բողոքարկման մեխանիզմ՝ շահագրգիռ կողմերի մտահոգությունները և բողոքները ստանալու և լուծումները դիտարկելու նպատակով, մասնավորապես, հաճախորդի և ծրագրի կողմից բնապահպանական և սոցիալական ասպեկտների կատարողականի վերաբերյալ: Կախված ծրագրի բնապահպանական և սոցիալական ռիսկերի և ազդեցությունների բնույթից և մասշտաբից, ՎՋԵԲ-ը լրացուցիչ պահանջում է, որ իր հաճախորդները, անհրաժեշտության դեպքում, տեղեկություն հրապարակեն ծրագրից բխող ռիսկերի և ազդեցությունների մասին կամ բովանդակալից խորհրդակցություններ անցկացնեն շահագրգիռ կողմերի հետ, դիտարկեն նրանց կարծիքներն ու արձագանքեն դրանց:

Այս կապակցությամբ ՎՋԵԲ-ի գործելակերպի վերաբերյալ ավելի մանրամասն տեղեկությունները ներկայացված են [ԲՍՔ](#)-ում:

Բարեվարքություն և համապատասխանություն

ՎԶԵԲ-ի՝ Համապատասխանության վերահսկման գլխավոր տնօրենի գրասենյակը (ՀՎԳՏԳ) խթանում է լավ կառավարումը և ապահովում բարեվարքության բարձրագույն չափանիշների կիրառումը Բանկի գործունեության բոլոր ասպեկտներում՝ միջազգային լավագույն փորձի համաձայն: Բանկի բոլոր հաճախորդների վերաբերյալ իրականացվում է բարեվարքության պահանջներին համապատասխանության ստուգում-ուսումնասիրություն՝ համոզվելու, որ ծրագրերը չեն պարունակում Բանկի համար անընդունելի ռիսկեր բարեվարքության կամ հեղինակության առումով: Բանկի համոզմամբ, ծրագրի գնահատման և հաստատման փուլերում խնդիրների հայտնաբերումն ու լուծումը Բանկի գործարքների բարեվարքության ապահովման ամենաարդյունավետ միջոցներն են: ՀՎԳՏԳ-ն առանցքային դեր է կատարում պաշտպանիչ այս գործողություններում, ինչպես նաև օգնում է վերահսկել բարեվարքությանն առնչվող ռիսկերը ծրագրերի հետևողականության փուլերում:

ՀՎԳՏԳ-ն նաև պատասխանատու է ՎԶԵԲ-ի կողմից ֆինանսավորվող ծրագրերում կեղծիքի, կոռուպցիայի և չարաշահման կապակցությամբ մեղադրանքների հետաքննության համար: Ցանկացած անձ, ինչպես Բանկի ներսում, այնպես էլ նրանից դուրս, ով կասկածներ ունի, որ առկա են կեղծիքի կամ կոռուպցիայի դեպքեր, պետք է գրավոր զեկույց ներկայացնի Համապատասխանության վերահսկման գլխավոր տնօրենին էլ-փոստով՝ compliance@ebrd.com: Խնդիրների մասին բոլոր զեկույցները կքննվեն ՀՎԳՏԳ-ի կողմից՝ հետագա քայլերը որոշելու նպատակով: Քննվելու են բոլոր զեկույցները, այդ թվում՝ անանուն զեկույցները: Զեկույցները կարող եք ներկայացնել Բանկի կամ Բանկի գործունեության ցանկացած երկրի լեզվով: Տեղեկությունը տրամադրելիս անհրաժեշտ է դրսևորել բարեխիղճ մոտեցում:

Տեղեկությունների հասանելիության քաղաքականություն (ՏՀՔ)

ՏՀՔ-ն սահմանում է, թե ինչպես է ՎԶԵԲ-ը հրապարակայնացնում տեղեկությունները և խորհրդակցում շահագրգիռ կողմերի հետ, որպեսզի 2020թ. հունվարի 1-ից ուժի մեջ մտնելուց հետո նպաստի ՏՀՔ-ի ռազմավարությունների, քաղաքականությունների և գործառնությունների մասին ավելի լավ իրազեկմանն ու ընկալմանը: Խնդրում ենք այցելել [Տեղեկությունների հասանելիության քաղաքականության](#) կայքէջը՝ պարզելու, թե ինչ տեղեկություն կա ՎԶԵԲ-ի կայքում:

Տեղեկություններ ստանալու համար կարող եք կոնկրետ հարցումներ ներկայացնել՝ օգտագործելով [ՎԶԵԲ-ի հարցումների ձևաթուղթը](#):

Ծրագրերի հաշվետվողականության անկախ մեխանիզմ (ԾՀԱՄ)

Եթե Հաճախորդի կամ Բանկի հետ բնապահպանական և սոցիալական ասպեկտների կամ հրապարակայնացման հետ կապված խնդիրների լուծմանն ուղղված ջանքերն (օրինակ, Հաճախորդի՝ Ծրագրի մակարդակով բողոքարկման մեխանիզմի կամ Բանկի ղեկավարության հետ անմիջական ներգրավման միջոցով) ապարդյուն են, ապա անհատներն և կազմակերպությունները կարող են դիմել ՎԶԵԲ-ի՝ Ծրագրերի հաշվետվողականության անկախ մեխանիզմին (ԾՀԱՄ)՝ իրենց մտահոգող խնդիրների լուծումը ստանալու համար:

ԾՀԱՄ-ն անկախ եղանակով քննում է Ծրագրի հետ կապված խնդիրները, որոնք, ենթադրաբար, Ֆասս են պատճառել (կամ, հավանաբար, կարող են Ֆասս պատճառել): Մեխանիզմի նպատակն է. աջակցել Ծրագրի շահագրգիռ կողմերի միջև երկխոսությանը՝ շրջակա միջավայրի, սոցիալական ասպեկտների և հրապարակայնացման հետ կապված խնդիրները լուծելու նպատակով, պարզել, արդյոք Բանկը համապատասխանել է իր իսկ [Բնապահպանական և սոցիալական քաղաքականությանը](#) կամ իր՝ [Տեղեկությունների հասանելիության քաղաքականությանը](#)՝ Ծրագրին վերաբերող կոնկրետ դրույթներին, և, անհրաժեշտության դեպքում, վերացնել այդ քաղաքականություններին վերաբերող ցանկացած անհամապատասխանություն՝ միաժամանակ կանխելով Բանկի անհամապատասխանության դեպքերն ապագայում:

Խնդրում ենք այցելել [Ծրագրերի հաշվետվողականության անկախ մեխանիզմի կայքէջը](#)՝ իմանալու ավելին ԾՀԱՄ-ի և նրա լիազորությունների մասին, ինչպես [Դիմում ներկայացնել](#) ստուգում անցկացնելու համար, կամ կապ հաստատել ԾՀԱՄ-ի հետ էլ-փոստով ipam@ebrd.com՝ ԾՀԱՄ-ի և դիմում ներկայացնելու վերաբերյալ ուղղորդում և լրացուցիչ տեղեկություններ ստանալու համար: